

LA EPISTOLA DEL APOSTOL SAN PABLO A TITO YA'A KUU CARTA JA NI CHAA SAN PABLO APOSTOL NUU TITO

¹ Máá-rí kúu Pablo, mozo Dios te suni apóstol Jesucristo kúu-rí ní sá'a-yä, nává'a skándíja-gä-ri ñayiví ní käji Dios, jíín já ná júkү'un-ga iní-i tu'un ndasa chiñü'ún-i-yä. ² Te ja yúán káñukuu iní-i kuchakü-i níí káni, chí súan ní keyu'u Dios onde aná'án xáan, te mä kúu kuti xndá'ú-yä-í. ³ Te onde ní jinu va'a máá kíví, te ní stá'an ndijin-yä tú'un-yä jíín tú'un kájani-rí, ja ní chi'i-yä-ún ndá'a-rí, nátu'un ní tá'u tíñu Dios, I'a náma yóó. ⁴ Cháa-ri tutu yá'a nuu-ro Tito, chi se'e ndija-ri kúu-ró sikí tú'un kákandíja ká'nu-yó. Tu'un luu ío iní-yä, jíín tú'un kúndá'ú iní-yä yóó, jíín tú'un kuaká'nu iní, ja kíi nuu máá Táa-yö Dios, jíín já kíi nuu máá Jító'o-yö Jesucristo, I'a náma yóó, ná koo jíín-ró.

Ndasa koo chaa kákuu nuu

⁵ Ja síki yúán ní skéndoo-ri róó onde ñuu Creta, nává'a ná sándaq-ro nú tú kuní jinu va'a tiñu, te nává'a kani-ró cháa kuu nuu ná iiñ ná iiñ ñuu, nátu'un ní tá'u-rí tiñu nuu-ro. ⁶ Kani-ró cháa tú yí'i kuächi siki, jíín nú iiñ-ni ñasí'i-de ío, jíín nú kákandíja va'a se'e-de, te nú tú kájakü nchaq ñayiví-ja síjita-i máá-i xí já ní'in iní-i. ⁷ Te chaa ndito

tíku'ni, níni ná kúu-de chaa tú yí'i kuachi siki, chi nchátínu-de tiñu Dios. Ma kújá'a iní-de, ma yachí kití iní-de, ma kóo ká'vá-de, ma stuji-dé ñayivi, ma ndío xaan iní-de siki xú'un. ⁸ Chi sua ná koto ndá'ú-de nuu ñayivi jíká, ná chíñu'un-de tiñu va'a, ná kóo kuandí'i-de, ná kóo ndaaq iní-de, ná kóo ndoo-de, ná kútiin ni'in-de máá-de. ⁹ Te ná kündij ni'in-de jíin tú'un ndaaq kákandíja-yó jíin já kúu sa'an-ya, náva'a kuu stá'an-de táká sa'an va'a, te náva'a kuu kundéé-de jíin ñayivi sáká núu.

Ja xndá'ú ñayivi

¹⁰ Chi ío kua'a cháa ja tú kákuní-de kuandatu-de, te káka'an sáni-de, te káxndá'ú-de ñayivi. Te chaa ni kaxiti ndúu, ví'l-gá kásá'a-de súan. ¹¹ Níni ná kasú-ro yú'u cháa-ún, chi kásáká núu-de iní ñayivi níi níi-ni-i ve'e-i. Te kástá'an-de tu'un ja tú ká'jo va'a, te kándukú-de ni'in-dé xú'un siki tíñu ñáá-ún. ¹² Fin tá'an máá-de, chaa jáni tu'un ñuu máá-de, ni ka'an súan: Ñayivi ñúu Creta, chi máni ñayivi xndá'ú kákuu, máni kití sána kákuu, máni káyee kúxi, áchí-de. ¹³ Ká'an ndaaq tu'un ni ka'an chaa-ún. Núsáá te kana jíin téyíi-ró núu-í, náva'a ná kándija ni'in-i. ¹⁴ Ma chú'un iní-i cuento káka'an chaa judío, ni tiñu kátá'ú cháa ja á ni káské'ichi-de tu'un ndaaq. ¹⁵ Ñayivi ká'jo ndoo, jáni iní-i ja ío ndoo-ni táká ndatíñu, ko ñayivi chá'án jíin ñayivi tú kákandíja, ni iiñ ndatíñu tú ío ndoo jini-i, chi sua ni te'yú añú-i jíin já jini tuní-i. ¹⁶ Káka'an-i ja á kájini-i nuu Dios, ko jíin tíñu kásá'a-i, te kájasu-i nuu-yá, chi ñayivi chá'án, ñayivi ni'in iní kákuu-i, te tú ní'in tíñu kutí-i nuu ni iiñ tiñu va'a.

2

Sa'qan ja ío va'a

¹ Ko róó, ná ká'qan-ro sá'qan ja ío va'a. ² Kachi-ro núu cháa ñá'nu ja ná koo kuándí'i-de, ná koo kájí xiní-dé, ná koo jíñu'ún-de, ná kándíja ní'in-de, ná kúndá'ú iní-de-i, ná koo paciencia-de. ³ Suni súan ña'an ñá'nu. Ná káka jíñu'ún-ña, mä sátu'ún-ña, mä koo ká'vá-ña, ná stá'qan-ña núu-í ndéja kúu ja vá'a, ⁴ te ná stá'qan-ña núu ñá'an súchí já ná koo jíñu'ún-i, ja ná kúvixi-i jíín yí-i, ná kúndá'ú iní-i se'e-i, ⁵ te ná koo kuándí'i-i, mä káka téne-i, ná kóto va'a-i ve'e-i, ná koo tu'un maní iní-i, ná kuándatuu-í nuu yí-i, návaa'tu ka'qan ndiv'a ñayiví sikí tú'un Dios sá'a-i. ⁶ Suni súan ka'qan nda'u-ro jíín cháa súchí, ja ná kútiin ní'in-i máá-i. ⁷ Te róó, ná sá'a-ro táká tiñu va'a, návaa'tu kuu-ro iin ejemplo va'a nuu-í. Te jíín tú'un ká'qan-ro, ná ká'qan ndaa, te ná ká'qan ñukájí iní-ro. ⁸ Tu'un va'a ka'qan-ro, návaa'mä kuakú nchaq-i yóó, návaa'tu kuka nuu cháa jasú nuu-yo, chi tú kúu ndiñi'in-de ni iin tiñu ñáá ká'qan-de sikí-yo. ⁹ Ka'qan nda'u-ro jíín mozo ja ná kuándatuu-i nuu patrón-i, ja ná kúsiñ iní patrón-i sá'a-i jíín táká tiñu-i, te mä ná chísó-i tu'un nuu-dé. ¹⁰ Mä sákuu'ná-i ndatíñu-de, chi sua ndaa ná skíkuu va'a-i nuu-dé, návaa'tu kúu táká tiñu sá'a-i, te skéndo luu-i sa'qan Dios máá-yó, I'a náma yóó, sá'a-i. ¹¹ Chi tu'un luu ío iní Dios, ja kúu kaku táká ñayiví sá'a, a ní kenda ndijin. ¹² Te tu'un-ún stá'qan nuu-yo ndasa skána-yó táká tu'un ja tú chíñu'ún-yó-yá sá'a, jíín já ndío iní-yo sikí ñuyiví sá'a, te stá'qan nuu-yo ndasa koo kájí iní-yo káka kuu-yó jíín já koo ndaa iní-yo, jíín já ná chíñu'ún-yó-yá kuiqá yá'a.

13 Káindatu-yó, ch̄i káñkuuu iní-yo kéndoo ndatu-yo kíví ndíi ncháq kenda ndijin Jesucristo ja kúu-yá Dios ñá'nu máá-yó, I'q náma yóó. **14** Te ní ja'a-yá máá-yá ja sikí yóó, náva'a chunáa-yá táká ja ní kastívi-yó, suni náva'a sándoo-yá ñayiví kuíñi nuu máá-yá, jíin já ná kuítú iní-i sá'a-i tiñu va'a. **15** Súan ka'an-ro, te ka'an nda'u-ro, te kana jíin-ró núu-í jíin tiñu ndiso-ro. Ma kuá'a-ró tú'un ja sájá'a iní ni iin-i nuu-ro.

3

1 Xndáku-ró núu-í ja ná kuá'a-i so'o-i nuu cháa kákuñá'nu, jíin núu cháa kándiso tíñu. Ná kuándezatu-i, te yachí ná tiin-i táká tiñu va'a. **2** Ma ká'an-i sikí ní iin ñayiví, ma kútixín-i, ná koo jíñu'ún-i, te ná koo súchí iní-i jíin táká ñayiví. **3** Ch̄i sáá, suni ñayiví ñáá ní kakuu-yó núu, tú ní kájandatu-yo, ní kasana-yó íchi, ní kachíñu'ún-yó táká ja ní ndio ñáá iní-yo jíin siin siin tiñu ní kakusíi iní-yo jíin, te ní kajika kuu-yó jíin tú'un ñáá tu'un kuásún iní, ní kakiti iní-i nuu-yo, te ní kajito u'u tá'an-yó. **4** Te Dios kúu I'q náma yóó. Te ní kenda ndijin tu'un kúmaní iní-yá jíin-yó jíin tú'un kúndá'u iní-yá táká ñayiví. **5** Yúan-na te ní nama-yá yóó, ko nasu jíin tiñu ndaa ní kásá'a-yó, ch̄i jíin tú'un ní kundá'u iní-yá yóó. Te jíin tú'un ní nakacha-yá yóó ní nakaku-yó, te ní ndujáá-yó ní sá'a máá Espíritu Santo. **6** Te Espíritu-ún ní jicha nuu kua'a iní añú-yo ní sá'a Jesucristo I'q náma yóó, **7** náva'a kuu kendoo ndaa-yo sá'a tu'un luu ío iní-yá, suni náva'a ní'in-yo tá'u-yo já kúñkuuu iní-yo kúchaku-yo níi káni. **8** Ká'an ndaa tu'un

yúan. Te kuní-ri ja ná ká'an ní'in-ró táká tu'un yá'a, nává'a ñayiví ní kákandíja-i nuuDios ná kuítú iní-i kukuu-i jíín tíñu va'a. Ió va'a táká tu'un yá'a, te ní'in tíñu ja kúu táká ñayiví. ⁹ Ko mä kívi nduuro jíín táká tixin káñáá, ni siki tú'un jichi tu'un tá'an, ni tu'un kanqá, ni jíín tú'un kástatá'an siki ley. Chi máni tu'un sáni kákuu-ún te tú ní'in tíñu. ¹⁰ Nú ió iin chaa tú játu'un, te nú a ní kana jíín-ró núdé iin uu jínu, yúan-na te mä kívi nduuga-ro jíín-de. ¹¹ A jiní ndija-yó já iin ñayiví sá'a súan, a ní skuíta-i ichi, te máni kuachi sá'a-i, te kuachi máá-i kúu ja nákuxndíi-ya siki-i.

Tu'un sández iní

¹² Nú ní tájí-rí Artemas xí Tíquico jaq nuuro, yúan-na te ndukú ndéé-ró kíi-ró núrí níu Nicópolis, chi cháa inj-ri kunchaqri yúan viko víjin. ¹³ Te ná ndukú ndéé-ró chú'un íchí-ró Zenas, chaa kúu maestro ley, onde jíín Apolos. Te koto-ró-de nává'a tú kuu falta ni iin nuudé. ¹⁴ Te ñayiví ká'jin jíín-yó, ná skuá'a-i tiin ní'in-i tiñu va'a, nává'a ní'in-í ndasa ja'a tundó'o sava-ga-i, nává'a tú kundij sáni-i. ¹⁵ Táká ñayiví káxikú jíín-rí yá'a, káka'an-i ja ná sández iní-ro. Ná sández iní taká ñayiví kákumani jíín-yó siki tú'un kákandíja-yó, kachí-ro kúni-i. Tu'un luu ió inj-ya, ná koo jíín-ró jíná'an-ro. Súan ná koo. Amén.

**Testamento jaa maa jitoho-yo Jesucristo
New Testament in Mixtec, San Miguel el Grande
(MX:mig:Mixtec, San Miguel el Grande)**

copyright © 1951 Wycliffe Bible Translators, Inc.

Language: Mixtec, San Miguel el Grande

Translation by: Wycliffe Bible Translators, Inc.

Mixteco, San Miguel el Grande [mig], Mexico

Copyright Information

© 1951, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, San Miguel el Grande

© 1951 Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
a7b2e4b3-7fe3-5b8e-b04c-0245065924f9